

A2^r

Dem Hochwürdigen
in Got Fürften vnd Herrn/
Herrn Othmarn Abte bay der wür-
digen Gotshäufer S. Gallen vnd S. Jo-
hanns/ vnnd Herr der Graffchafft
Toggenburg 7c. meinem gne-
digen Fürften vnd
Herrn.

Hochwürdiger
in Got Vatter/
Gnediger Fürft
vnnd Herr/ Es
feind die Bücher
der heiligen alten Vätter vnnd
bewerten Kirchenlehrer mit sol-
cher weyßheit vñ dapfferkeit ge-
schriben/ daß ein jeder/ der sie mit
verftand lifet vnd erweget/ son-
derliche würckung vnnd krafft
des heiligen Geifts dariñ fpüren
kan. Dann gewüßlich feind sie
die rechte lebendige Werckzeug

A ij Got

Der heiligen
Kirchenleh-
rer Bücher
feind auß dē
gailt Gottes
geschriben.

A2^v

Epiftel.

Matth. 10.
Marc. 13.

Gottes gewefen/ von denē Chri-
ftus die ewige Warheit alfo be-
zeuget in feinem Euangelio: Jr
feyt es nit die da reden/ fonder
ewers Vatters Geift ift es/ der
in euch redet. Nun vnder an-
dern folchen alten vnd anfehen-
lichen Scribenten ift nit für ge-
ring zuhalten Sant Gregorius
Magnus d^o hochberümt Bapft/
vnnd auß den vier treflichften
Lateinifcher Kirchen Lehrern
einer/ der mit feinen Büchern
zugleich von Gelerten vnnd vn-
gelerten/ von Geiftlichen vnnd
Weltlichen allezeyt inn hohem
werth ift gehalten worden. Vnd
das warlich nit vnbillich: dann
will man fein ankunfft vnd Ge-
fchlecht bedencken/ fo war er ein
Edler Römer/ vnnd geborner
Sun des Herrlichen Vatters
Gordia

S. Gregorij
ankunfft vnd
Gefchlecht.

A3^r

Epiftel.

Gordiani/ derfelbigen Statt
Rathsherr. Vnd jedoch hat er
fich weder des Stammens noch
der Reichtumb vberhebt vnnd
mißbraucht/ fonder verachtet
auch in feinen jungen tagen alle
luftbarkeit difer Welt/ vnnd fü-
ret in dem Klofter ein ftreniges
leben/ daß er vil andere feines
gleichen mit einem Gotfeligen
eingezognen vnd heiligen leben
vbertraffe. Will man dann an-
fehen fein natur vnd natürliche
eigenfchafft/ war er allzeit ge-
naigt zû den wercken der lieb vñ
barmhertzigkeit. Derhalben er
nach feiner Eltern abfterbē fein
Patrimonium vnd Erb fo mil-
tiglich außtheilet/ daß er in Si-
cilia vnnd zû Rom vil Klöfter
auff bawete/ vnd das vberig den
lieben Armen mitthailete. Will

S. Gregorij
natur vnnd
eigenfchafft.

A iij man

A3^v

Epiftel.

S. Grego-
rij gefchich-
licheit vnn
dignitet.

man aber betrachten fein erfa-
rung vnnnd gefchicklicheit/ fo be-
keñen alle Hiftori fchreiber/ daß
er für die andere fey würdig ge-
achtet vnd gehalten worden/ zû
der höchften ehr vnnnd Prelatur
in der Kirchen Gottes erwôlet
vnd erhôhet zuwerden: hat auch
feines gleichen nachkommer in
folcher würde vnd hohem ampt
kaum gehabt/ der fich in heilig-
keit des lebens/ in fûrtreflicheit
der Lehr/ vñ in erfahrung gailt-
licher dingen mit jm vergleichen
kôndte. Ich wil jetzunder fchwei-

S. Grego-
rij Demut.

gen von feiner wunderbarlichen
Demût/ die alle feine gnadreiche
tugenten/ als das Gold die Per-
lin im Ring zieret. Derhalben
er fich dann erflich vnder allen
Bâpfen SERVVM SER-
VORVM DEI/ das ift/ ein
Knecht

A4^r

Epiftel.

Knecht aller Diener Gottes/ gegenet hat/ vnd allen menſchen/ auch den lieben Armen/ gar freundlich ſich erzeiget. Jft darumb kein wunder/ daß ſein gewonhait auch war/ mit Petro ſeinem Diacon von dem Leben vnd Wunderwercken der heiligen Vätter/ ſo vor vnd bey ſeiner zeit in Jtalia lebtē/ auch von vnſterblichait der Seelen/ oft vnd vil zureden/ vnnnd folche gethane Geſprech ſchriftlich zuerfaffen. Daher habē wir noch die vier Bücher Dialogorum/ ſo vor vilen Jarem ſeind im Truck außgangē/ aber dermaſſē/ dz die alte Teutſche verdolmetſchung zū difer vnſer zeyt dem gemainen mann nit vil dienftlich vnd nutz ſein mögen. Bin der halben Von etlichen gũthertzigem from-

S. Gregorij
Geſpräch.

A iiij men

A4^v

Epistel.

men Chriſten nit allein ermant/
 fonder auch dahin bewõgt wor=
 den/ dieſelben vaſt hailfame Bũ=
 cher dem Latein nach zubefehē/
 in ein beſſer Teueſch zubringen
 vnd zu corrigiren. Hab alſo die
 mühe in Gottes namē auff mich
 genõmen/ vnd folche Geſpräch=
 bũcher (wiewol auffſ ſchlechteſt
 Vnnd einfeltigſt/ jedoch gantz
 trewlich) verteufcht/ vnnd den
 einfeltigen Catholiſchen Teut=
 ſchen mitthailen wõllen. Zwey=
 fel auch nit/ es werden vil gũt=
 hertzigē auß diſem werck nit al=
 lein luſt/ fonder auch nutz vnnd
 frucht ſchöpfen/ vnd infonder=
 heit darauß ſehen vnd erkennen
 die wunderbarliche allmechtig=
 keit/ ewige weyßheit vnd groſſe
 gũtigkeit Gottes des Herren/ die
 er vor zeyten erzaiget/ vnnd mit
 ge=

Nutzbarkeit
 diſes Bũchs.

A5^r

Epiftel.

gewüffen Exempeln beweret
hat/ jhm felber zû lob/ feinen
Heiligen zû ehr/ der Kirchen zû
erbawung/ vnnd noch heutiges
tags vilen Chriften zû troft vnd
vnderweifung/ fonderlich in di-
fen letzten/ gefehrlichen/ zåncki-
fchen zeiten. Dann jetzunder
gibt es laider mehr difputirens/
dann glauben/ mehr lefterns
dann loben Gottes Heiligen/
mehr zweyflens an dem ftand
der zükünfftigen welt/ dann die
warheit recht bekeñen. Ja man
findt folche leut/ welche weder
Himmel noch Höll oder Feg-
fewr mehr glauben/ oder doch
mit newer vnerhörter falcher
mainung folche ding außlegen
wöllen. Der heiligen Vätter
Schriften/ die gewüßlich auß
dem Geift GOTTes gefchriben
A v feind/

A5^v

Epiftel.

feind/ vnd fo groffes anfehen fo
 uil hundert Jar gehabt haben/
 müffen bey difer newen Welt
 nur Fablen/ Menfchentant vnd
 Träum fein: was aber die felb
 gewachfene newe Scribenten
 vnnd Sectenmaifter erdichten
 vnd fürgeben/ das muß für das
 pur lauter wort Gottes gepre
 diget vnnd angenommen wer
 den. Vnd demnach halten fie fo
 hoch die Gefpräch vnd Tifchre
 den jhres flaiſchlichen vnd Sar
 danapaliſchen Vatters Luthere
 ri/ die doch allerley ärgernuß vn
 vnzucht voll feind/ vnnd genüg
 ſam erweifen/ was das für ein
 fauler Baum gewefen fey/ der
 folche arge ftinckende frucht ge
 bracht hat. Hergegen wöllē wir
 vnfers lieben heiligen Vatters
 Gregorij Dialogos oder Ge
 ſpräch

Tifchreden
 Lutheri.

Dialogi
 Gregorij

A6^r

Epistel.

ſpräch für die hand neñen/ dar-
 innen die warhafftigen Hiſtori
 fehen vnd bedencken/ die vns nit
 allein bey dem wahren vnge-
 zweyſleten Catholiſchē glauben
 erhalten/ fonder auch zů beſſe-
 rung des lebens krefftigklich er-
 manen vnd erwecken. Wee der
 Welt (ſagt Chriſtus) der ärger-
 nuß halben/ ſo da geſchehē müſ-
 ſen/ vñ jetzunder mit hauffen al-
 lenthalben vorhanden ſeind/ alſo
 daß man auch was recht Catho-
 liſch vñnd Gotfelig iſt/ offenlich
 verachtet vnd verſpottet/ weñ es
 ſchon bey den alten bewertē Kir-
 chenlehrern geſchriben vnd gele-
 ſen wirdt. Deſto hefftiger aber
 hat ein jeder fromer Chriſt ſich
 vor der argē Welt zūhüten/ das
 güt zūbehalten/ die lügen zū haf-
 ſen/ in der warheit zūbeharren/
 vnd

Matth. 18.

A6^v

Epiftel.

- vnd den newen oder alten Fan-
taften vnnnd Schwermgeiftern
gar kein ftat zugeben/ fo lieb als
jhm ift Chrifthus vnd die Chrif-
lich Kirch/ ein grundueft aller
warheit.
1. Tim. 3. Souil nun aber vnfern hoch-
würdigen vnnnd fürtrefflichen
Lehrer S. Gregorium belangt/
der in worten vnnnd wercken fo
mechtig ift gewefen/ den auch
Got felbs mit vnwiderfprechli-
chen groffen wunderzeichen oft
gezieret/ bedarff er zwar meines
lobs vnnnd vertedigens nit/ die-
weil die gantze Chriftenheit jhm
fo helle trefliche zeugknuß gibt
im Glauben/ leben vnd handel/
alfo/ daß er auch billich vnder
andern Apoftolifchen männern
LVXMVNDI. SAL TER-
RÆ, & PASTOR BONVS,
Ein
- S. Gregorij
lob.
- Matth. 5.
Johan. 10.

A7^r

Epiftel.

Ein liecht der Welt/ das Saltz
 dr Erden/ vnnd ein güter ge-
 trewer Hirt mag vnnd foll von
 meniglich gerhümet vnnd ge-
 ehret werden. O wie wol ift es
 vorzeiten geltanden/ da folcher
 altē Kirchenlehrer Bücher mit
 fleiß gelefen/ vnd in ehren gehal-
 gen feind worden. Wie fteht es
 aber jetzunder? Was jamer vnd
 elend fehen vnnd fpüren wir al-
 lenthalben/ feitemal die alte/
 weyfe/ bewerte/ warhaffte Bü-
 cher verachtet/ vnnd nur newe/
 vnbeftändige/ argliftige/ vn-
 chriftliche vñ verfürifche fchriff-
 ten auff die ban kommen feind/
 vnnd fchier fo hoch als Gottes
 wort felbs gerhümet vnd geeh-
 ret werden? Darauß dann lai-
 der erfolget/ daß Gehorfam/
 zucht vnnd erbarkeit/ zu fampt
 dem

Lob ber altē
 Bücher.

Newe Bü-
 cher.

A7^v

Epistel.

Lob der altē
Teutfchen.

dem liebeichen Glauben ſchier
gant3 vnd gar bey vns erlöſchen
vnd darnider ligen/ alfo daß wir
Teutfchen/ ſo vorzeiten für die
ſtandthaffteſten/ dapfferſten/
ſighafftigſten vnnnd Gotsförch-
tigſten ſeind gehalten worden/
jetzunder den wanckelmütigen/
vnbefändigē/ Schifmatifchen/
vngehorfamen/ verdorbenen/
vnd vneligen Griechen nit vn-
billich vergleicht werden/ die-
weil wir vns von einem jeden
Ketzerifchen wind ſo leichtfer-
tigklich hin vnd her treiben laſ-
ſen. Vnnnd ob wol diß Mitter-
nächte giffet alle winckel des
Teutfchen Lands/ jetzunder
ſchier durchringet/ auch ein
neue Babylonifche Confuſion
vnd wüfte machet/ Got ſey es
im Himmel geklaget/ ſo haben
wir

A8^r

Epiftel.

wir doch in fonderheit Chriſto
dem Herren lob vnd danck zu-
fagen/ der ihm neben anderen
auch die Catholiſchen fünff Ort
der löblichen Eidgenoſchafft biß
her dermaßen begnadet vnd er-
helt/ daß ſie/ wie ein ſtarcke veſte
Maur beftendig/ vnd wie vnü-
berwindtliche Gottes Helden/
mit der hand vnd fauft/ mit güt
vnnd blüt/ den wahren allein fe-
ligmachenden Catholiſchē glau-
ben handhaben/ ſchützen vnnd
ſchirmen. Derhalben ſie billich
noch das lob bey allen Natio-
nen ſchier allein behalten/ wel-
ches vorzeiten alle Teufchen in
gemin gehabt/ jhrer beftendi-
gen dapfferkeit vnnd vnüber-
windtlichen gewalts vnd frey-
heit halben.

Lob der Ca-
tholiſchen
Eydgnoffen.

Dieweil nun E. F. G. neben
andern

A8^v

Epiftel.

andern hochlößlichen tugenten/
vnfer wahren/ alten/ Catholi-
fchen Religion Schutzherr vnd
Patron ift/ auch bey den Ca-
tholifchē Eidgnoffen billich nit
ein geringes anfehen hat vnnd
helt/ hab ich (wiewol ein gerin-
ger/ außlendiger vnd vnbehan-
ter) ein hertz gewonnen/ vñ mich
kümlich vnderftanden/ E. F. G.
diß erneuerte Werck zu dedici-
ren/ vnnd im aller vnderthenig-
keit zůzufchreiben. Nie der mai-
nung zwar/ daß E. F. G. difer
meiner arbeit bedörffte/ dieweil
dife Dialogi vnder S. Gregorij
Operibus auch begriffen/ mit
zierlichem Latein befchriben/
vnnd den Gelerten vil angene-
mer/ dann in Teutfcher Sprach
zulefen feind: Sonder damit di-
fe Gefprächbücher/ dieweil fie
vnder

B1^r

Epiftel.

vnder E. F. G. namen vnnd
ſchutz vnder den gemainen mañ
kommen/ deſto mehr anfehens
gewinnen/ vnnd mit gröſſerm
nutz von meniglich geſehen mö-
gen werden. Demnach will ich
mit aller gebürlicher Reuerentz
vnd ehrerbietung diſe neue edi-
tion E. F. G. gededicirt vnd zů-
geſchriben haben/ demütiglich
bittend/ ſie wölle mein angebot-
nen dienſt vnd güten wüllem jhr
wolgefallen laſſen. Thů derſel-
bigen mich zů allerzeit in vnder-
thenigkeit befehlen. Gott ein
Vatter der Barmhertzigkeit
wölle E. F. G. im langwüriger
glücklicher Regirung/ zů wol-
fart der Seelen vnd des Leibs/
zů gemainem nutz der vnder-
thanen/ vnd der gantzen Chriſt-
lichen Kirchen zů troſt vnnd

B fter

B1^v

Epiftel.

fterckung erhalten/ auch alle
verfürte Chriften zum rechten
Glauben bekören/ vnnd in vns
die rechte frucht des Glaubens
mehren/ Amen. Datum zu Di-
lingen an des heiligen Papfts
Gregorij tag/ Anno 1571.

E. F. G.

Vndertheniger

Adam Walaffer.